

PEOPLE PLUS

The best way to
prepare ourselves
to face challenges
is to be closer to
the people

James Michel

Prezidan i konnen

Pour pran propriyete Prezidan James Michel pour fer propagann lo journal, avek bi fer li reakte, i stupid. Zot in menm dir 'i kontan reakte letan i ganny touse'. La pa Prezidan ki pou reakte.

Imen i rod fason pour gannyan e pa rod pli gro latet fermal.

Pour pran plan later propriyete Prezidan Sans Soucis pour met lo journal avek lentansyon fer sa vin lokipasyon piblik e evidaman bous sa lespas ki zot annan lo zot paz, i senpleman montre ki i annan en dimoun ki annan tro bokou letan pour gaspiye, alor son lespri i parey en zwegir konpa ki'n kase, nek

i vir dan tou direksyon. I anmenn son swadizan dalon zournalis se li, li sa swadizan zournalis i parey sa kaptenn pirat dan liv zistwar ki napa en kote lanmen gos. Sans Soucis dan en lakaz, plan lakaz Prezidan i ganny delivre. Zot oule lepep war ki i mal Prezidan i reste dan en lakaz. Kote i pou reste donk? Lo delo oswa dan nyaz?

Dezyenm plan propriyete i ganny donner - en pro-

priyete prive ki en ta letan pase Prezidan in fer avek en biznesmenn La Digue. Prezidan Michel pa ni menm ti pe mazin sa propriyete pour konnen sa biznesmenn in fini finalize. Pour sa bann dimoun, eski Prezidan i travay e rekolte makadanm, pandan tou sa lannen ki i pe travay? Depi laz 16 an koman en 'supply teacher' Anse Boileau.

Sa ler zot pa bezwen fer okenn travay mafia. 'Peopleplus' pe aprezan fer zot travay bokou pli fasil, i ti demann Prezidan son lopinyon.

Prezidan napa letan pour reponn sa bann ensinifyan me i demann sa dimoun ki anvi konn okenn lenfor-

(Kont...lo p.2)

En
mesaz
serye

(Vwar... p.2)

Pourki rezon Prezidan pe ensiste lo linite nasyonal?

Prezidan James Michel pa oule war Sesel vin parey sa bann limaz ki pli ale i vin pli tris e sokan, ki nou war lo nou lekran televizyon tou le swar. Seselwa pe war en kantite zanfan ek madanm viktim lager ek lafen. Legzanp, La Syrie ek Iraq, in vin de pei ki pe kraze avek lager, kot zot pep pe sov lafrontyer pour rod eberzman dan en lot pei. En nouvo group teroris in fini formen Iraq e pe touy en kantite sitwayen sa pei dan linosans. Nasyon Z-lni in dir ki pour premye fwa dan listwar i annan pli gran kantite imigran ki pe kit zot pei pour sov lager ek lafamin. Kantite larzan ki pe ganny depanse dan lager i plis ki dezyenm Ger Mondyal. Sa i tris pour sa tan modern ki lemonn i ladan. Kot dimoun i sipoze edike e avek ledikasyon i vin bonn savwar viv.

Letan nou get dan lizye ek sourir nou zanfan, madanm, manman ek ser Seselwa, nou war lazwa e nou pa tya swete ki sa i ganny transformen dan depler. Sa ki nou tya swete se war sa lazwa reste e war nou gouvèrnman fer plis pour asir plis progre ek prosperite dan lape dan nou pei. Nou pa oule ki nou a ganny konpare avek sa bann pei ki an ger oswa kot zot pep i lafen. Noule war nou

ariv lo nivo bann pei ki pe travay dir pour ganny klase parmi bann meyer. Nou deza pe fer li.

E sa ki enteresan avek Sesel, se ki pa detruwa endividi ki mezir nou sikse me nou pep limenm e tou sa kantite touris ki vin dan nou pei ki viv parmi nou e temwanny lavi nou pep. Kantite zot ki retourn se nou pa zis aköz nou ospitalite, me nou stabilite e lape ki asire par nou

gouvèrnman, sa swen ki nou gouvèrnman i donn nou. Sa lanmour e konpasyon ki nou Prezidan i annan pour son travay e son pep. Antouka, pa krwar 'Peopleplus' aköz i portparol Parti opouvwar me regard pour zotmenm e zize. Lekel Prezidan ki annan kontrol lo son travay? Ki pran son responsabilite lezerman aköz tou keksoz i an plas? Prezidan James Michel i konfidan ki ziska prezan i pe

travay avek senserite e direksyon ki in pran pour Sesel ek Seselwa se egzaktaman sanmenm sa enn. Napa lot direksyon. Prezidan Michel napa presyon. Sesel napa presyon. Se pour sa rezon ki nou pep fodre koste dan linite e ed Prezidan ranforsi prosperite e lazwa pour tou nou sitwayen. Si litousel ek serten i kapab fer li, ki kantite nou kapab reisi nou tou ansanm?

En mesaz serye

Dan son diskour le 18 Zen nou Prezidan ti serye e reste serye. Fodre tou bann ki in donn pozisyon, ki'n ganny pozisyon zot pa asiz lo zot travay e fer lepep fristre. I'n fatigue dir e repete.

Li i travay me en bon pe pa oule fer sa zefor anplis, me tou blanm li koman Prezidan ki gannyan. Toudmenm i reste son devwar pou met presyon lo zot. Eski donk pa i pli fasil si tou nou tou nou met zepol ansanm e travay pour fer marse sa bout ki nou okipe? Kote ki difisil pour fer piblik satisfes? Kote ki difisil pour fer piblik apresye nou travay? Konsekaman nou kree sa latmosfer amikal e ranpli ek sikse dan nou sosyete.

Sa pti pei ki nou annan, plan ki nou annan devan nou pour anmenn li pli lwen dan son progre, kwa ki mal si Prezidan i demann tou Seselwa pour koste? Kote ki mal si tou Seselwa i kontan son pei? Kote ki mal si tou Seselwa i kontribye pour asir devlopman son pei? Kote ki mal si nou annan en Prezidan ki mazin dibyen e nonpa dimal?

Parey Prezidan in dir, pour 37 an se nou Parti ki'n

opouvwar pour asir progre sa pei e boner sa pep. Avek nou Parti napa diskriminasyon, e aköz sa nou pei i annan lazistis ek loportinite pour tou son sitwayen. Sa ki ankor krwar dan diskriminasyon se bann ki pa oule ini. Me gran mazorite nou pep i anfaver linite ek progre. E parey Prezidan in dir, napa lot fason fer li.

Seselwa siport sa linisyativ pour linite e formasyon en foronm konsiltativ. Nou pei i bezwen bouze.

Prezidan i konnen

(Kont... p.1)

masyon lo li, pour telefon son lofis, State House. Oswa, i dir sa dimoun si i santi ki li Prezidan i annan tro bokou 'assets' anrezistre en kes kont li avek sa biro ki limenm Prezidan ti kree 'Ethic Commission'.

Sa ki esansyel Prezidan i konnen lekel zot... i pa zanmen pa konnen.

Case closed.